



ODLUKA
O DODJELI PRIZNANJA
„PLAKETA GRADA SARAJEVA“
(prijedlog)

Predlagač: Komisija za izbor i imenovanja
Obrađivač: Gradska služba za Gradsko vijeće

Sarajevo, februar 2018. godine





Na osnovu člana 26. stav 1. tačka 18. Statuta Grada Sarajeva („Službene novine Kantona Sarajevo“, broj 34/08), kao i na osnovu člana 8. Odluke o priznanjima i nagradi Grada Sarajeva („Službene novine Kantona Sarajevo“, broj 34/10, 14/14 i 31/14), Gradsko vijeće Grada Sarajeva, na sjednici od _____ godine, donijelo je

*ODLUKU
O DODJELI PRIZNANJA
„PLAKETA GRADA SARAJEVA“
(prijedlog)*

Član 1.

Dobitnik priznanja „Plaketa Grada Sarajeva“ je *Prof. Dr. Kurt Kalcher*

Član 2.

Priznanje se dodjeljuje u obliku svečane diplome.

Član 3.

Priznanje se dobitniku uručuje na Svečanoj sjednici Gradskog vijeća Grada Sarajeva.

Član 4.

Ova Odluka stupa na snagu danom donošenja, a objavit će se u «Službenim novinama Kantona Sarajevo».

PREDSJEDAVAJUĆI GRADSKOG VIJEĆA

Igor dr. Gavrić

Broj: 01-02- /18
Datum: godine

OBRAZLOŽENJE

PRAVNI OSNOV

Pravni osnov za donošenje ove odluke sadržan je u članu 26. stav 1. tačka 18. Statuta Grada Sarajeva, kojim su utvrđene nadležnosti Gradskog vijeća Grada Sarajeva za donošenje Odluka o priznanjima i nagradi Grada Sarajeva. U članu 8. Odluke o priznanjima i nagradi Grada Sarajeva („Službene novine Kantona Sarajevo“, broj 34/10, 14/14 i 31/14) je propisano, između ostalog da je „Plaketa Grada Sarajeva“ priznanje koje se dodjeljuje građanima Bosne i Hercegovine, stranim državljanima, privrednim društvima, ustanovama, udruženjima građana i drugim pravnim licima za doprinos razvoju Grada u oblastima privrede, kulture, obrazovanja, nauke, zdravstva i drugim oblastima života i rada, te da se „Plaketa Grada Sarajeva“ dodjeljuje u obliku svečane diplome. Odredbama člana 15. stav 2. Odluke o priznanjima i nagradi Grada Sarajeva propisano je, između ostalog, da Gradsko vijeće donosi odluku o dodjeli priznanja, a odredbama člana 12. i 13. Odluke o priznanjima i nagradi propisani su ovlašteni predlagači (između ostalog i da prijedlog odluke mogu podnijeti i vijećnici Gradskog vijeća Grada Sarajeva). Također, propisan je i sadržaj prijedloga.

RAZLOZI DONOŠENJA

Grupa univerzitetskih profesora iz Sarajeva je Gradu Sarajevu uputila inicijativu za dodjelu jednog od priznanja Grada Sarajeva Prof. Dr. Kurtu Kalcheru za doprinos afirmaciji Grada Sarajeva kao i doprinos razvoju nauke i afirmaciji Univerziteta u Sarajevu. Predsjedavajući Gradskog vijeća je razmotrio inicijativu i uputio prijedlog Komisiji za izbor i imenovanje da se imenovanom dodijeli priznanje „Plaketa Grada Sarajeva“. Podneseni prijedlog sa obrazloženjem je u prilogu ove Odluke. Komisija za izbor i imenovanja Gradskog vijeća Grada Sarajeva je razmotrila prijedlog, te utvrdila Prijedlog Odluke i uputila ga Gradskom vijeću na razmatranje.

RJEŠENJA IZ PREDLOŽENE ODLUKE

Usvajanjem ove odluke Gradsko vijeće u članu 1. dodjeljuje se „Plaketa Grada Sarajeva“ imenovanom, a u članu 2. određuje da se „Plaketa Grada Sarajeva“ dobitniku uručuje u vidu svečane diplome. U članu 3. se naglašava da će Gradonačelnik uručiti svečanu diplomu dobitniku na Svečanoj sjednici Gradskog vijeća. Članom 4. je definirano stupanje na snagu usvojene odluke i obaveza objavljivanja u „Službenim novinama Kantona Sarajevo“.

SREDSTAVA ZA PROVOĐENJE ODLUKE

Sredstva za provođenje ove odluke se osiguravaju u Budžetu Grada Sarajeva.